

BOSNA I HERCEGOVINA  
FEDERACIJA BOSNE I HERCEGOVINE  
UNSKO-SANSKI KANTON  
KANTONALNI SUD U BIHAĆU  
Broj: 001-0-Su-24-000737-6  
Bihać, 22.10.2024. godine

Na osnovu člana 25. i člana 70. stav (1) Zakona o javnim nabavkama ("Sl. glasnik BiH", broj: 39/14, 59/22 i 50/24), na preporuku Komisije za javnu nabavku date u Zapisniku broj: 001-0-Su-24-000737-5 od 21.10.2024. godine, u postupku javne nabavke izvođenja radova „Rekonstrukcija krova sa promjenom namjene krovnog pokrivača na zgradi Kantonalnog suda u Bihaću“, po obavještenju sa portala javnih nabavki broj 8581-1-3-84-3-20/24, predsjednica Kantonalnog suda u Bihaću donosi:

**ODLUKU**  
o izboru najpovoljnijeg ponuđača i dodjeli  
ugovora

I

Prihvata se preporuka Komisije za javnu nabavku o izboru najpovoljnijeg ponuđača za nabavku izvođenja radova „Rekonstrukcija krova sa promjenom namjene krovnog pokrivača na zgradi Kantonalnog suda u Bihaću“ i ugovor se dodjeljuje ponuđaču „DOLA“ d.o.o. Cazin, za ponudenu cijenu u ukupnoj vrijednosti od 219.526,10 KM bez obračunatog PDV-a, odnosno 256.845,54 KM sa obračunatim PDV-om, kao najpovoljnijem ponuđaču.

II

Nakon pravosnažnosti ove Odluke prijedlog ugovora dostavit će se na potpis izabranom ponuđaču.

III

Obavezuje se izabrani ponuđač iz tačke I ove Odluke, da u roku od 5 (pet) dana od dana prijema ove Odluke dostavi dokaze tražene tačkom 3.1. i 3.2. tenderske dokumentacije.

IV

Ova odluka dostavlja se svim ponuđačima u postupku javne nabavke, u skladu sa članom 70. stav 6. Zakona o javnim nabavkama i objavit će se na web stranici Kantonalnog suda u Bihaću.

**O b r a z l o ž e n j e**

Postupak javne nabavke izvođenja radova „Rekonstrukcija krova sa promjenom namjene krovnog pokrivača na zgradi Kantonalnog suda u Bihaću“ pokrenut je Odlukom o pokretanju postupka javne nabavke broj: 001-0-Su-24-000737 od 26.09.2024. godine. Javna nabavka provedena je otvorenim postupkom, sa provođenjem e-aukcije u sistemu e-Nabavke. Procijenjena vrijednost nabavke bez PDV-a iznosi: 220.512,45 KM.

Obavještenje o nabavci broj: 8581-1-3-84-3-20/24 objavljeno je na Portalu javnih nabavki dana 26.09.2024. godine a sažetak obavještenja u Službenom glasniku BiH“, broj 67/24. Tendersku dokumentaciju, sa Portala javnih nabavki podiglo je 12 ponuđača.

U periodu koji je ostavljen za dostavu ponuda dana 30.09.2024. godine pitanje je postavio jedan potencijalni ponuđač a koje glasi: „ Poštovani, molimo Vas da pojasnite što podrazumjevate pod tačkom 3.2.4. Ponuđač koji bude izabran kao najpovoljniji, prije zaključenja ugovora dužan je dostaviti ugovornom organu, u roku od 5 (pet) dana od dana obavještenja o dodjeli ugovora, ovjerenu kopiju ovlaštenja ili potvrde za građenje/izvođenje radova i drugih zahvata u prostoru, koje izdaje Ministarstvo za građenje, prostorno uređenje i zaštitu okoliša USK-a ili Ministarstvo prostornog uređenja Federacije BiH u skladu s članom 98. Zakona o prostornom uređenju i građenju (Prečišćeni tekst-Službeni glasnik USK-a“, br. 12/13, 3/16,15/20 i 10/22) i člana 38. i 39. Uredbe o uređenju gradilišta, obaveznoj dokumentaciji na gradilištu i učesnicima u građenju („Sl. glasnik USK-a“, br. 3/13). Jeli to znači da samo ponuđači mogu sa USK mogu izvoditi radove, te vrste? Molimo pojašnjenje“. Putem Portala javnih nabavki, ugovorni organ je odgovorio dana 01.10.2024. godine u kome je citirao odredbe člana 94. stav (1) i člana 98. stav (1) Zakona o prostornom uređenju i građenju, te odredbu člana 38. stav (2) Uredbe o građenju gradilišta, obaveznoj dokumentaciji na gradilištu i učesnicima u građenju, uz konstataciju da shodno naprijed navedenim odredbama, izvođenje radova koji su predmet ove javne nabavke mogu izvoditi svi ponuđači bez obzira na sjedište ponuđača, s tim da posjeduju potvrdu/ovlaštenje Ministarstva za građenje, prostorno uređenje i zaštitu okoliša USK-a ili Federalnog ministarsva prostornog uređenja za obavljanje te djelatnosti.

Na tendersku dokumentaciju nije bilo izjavljenih žalbi.

Komisija za provođenje postupka javne nabavke, imenovana rješenjem broj: 001-0-Su-24-000737-3 od 16.10.2024. godine (u daljem tekstu: Komisija) je dana 18.10.2024. godine izvršila javno otvaranje ponuda u prostorijama Kantonalnog suda u Bihaću o čemu je sačinila Zapisnik o otvaranju ponuda koji je dostavljen svim ponuđačima koji su dostavili ponude. Javnom otvaranju ponuda nije bilo prisutnih predstavnika ponuđača.

Nakon otvaranja ponuda, Komisija je izvršila pregled i ocjenu prispijelih ponuda, te sačinila Zapisnik o pregledu i ocjeni ponuda broj: 001-0-Su-24-000737- 5 od 21.10.2024. godine u kome je konstatovala sljedeće:

- da su blagovremeno zaprimljene 2 ponude i to:
  1. „DOLA“ d.o.o. Cazin, sa ukupno ponudenom cijenom sa popustom i bez obračunatog PDV-a u iznosu od 219.486,10 KM,
  2. „ALIVUK&CO“ d.o.o. Bihać, sa ukupno ponudenom cijenom sa popustom i bez obračunatog PDV-a u iznosu od 220.446,70 KM;
- da nije bilo neblagovremeno zaprimljenih ponuda;
- da su ponude ponuđača „DOLA“ d.o.o. Cazin i „ALIVUK&CO“ d.o.o. Bihać, ispravne prema obliku, sadržaju, potpunosti, profesionalnoj i tehničkoj sposobnosti.
- Komisija je izvršila provjeru računске ispravnosti prihvatljivih ponuda i utvrdila da ponude oba ponuđača imaju računске greške i to:
  - „DOLA“ d.o.o. Cazin ima računsku grešku, a koja se odnosi na grešku u Obrascu za cijenu ponude radova -Prilog III. stavka pod C.2.4. a samim tim i na grešku u ukupnoj cijeni svih radova, obračunatom PDV i ukupnoj cijeni radova sa popustom i PDV-om. Naime, u stavci pod C.2.4. kao ukupni iznos, utvrđen je iznos od 40,00 KM, a treba da

stoji 80,00 KM, a ispravkom tog iznosa treba izvršiti i izmjenu ukupne cijene radova bez PDV-a i sa PDV-om. Komisija je dana 18.10.2024. godine uputila zahtjev za pismenu saglasnost za ispravku navedene računске greške. Ponudač „DOLA“ d.o.o. Cazin je pismenim aktom dana 18.10.2024. godine dao saglasnost za ispravku greške, na način da ispravljena ukupna cijena svih radova iznosi 219.526,10 KM bez obračunatog PDV-a, PDV-e iznosi 37.319,44 KM, a ukupna cijena svih radova sa popustom i PDV-om iznosi 256.845,54 KM.

- „ALIVUK&CO“ d.o.o Bihac ima računarske greške a koje se odnose na greške u Obrascu za cijenu ponude radova -Prilog III. i to: red A.4.1., u kome je ukupan iznos ove stavke stavljen iznos od 1.542,00 a treba da stoji 1.542,80; zatim grešku u stavci A.- Ukupno građevinsko zanatski radovi (A.1+A.2.+A.3.+A.4.) bez PDV-a gdje je kao ukupan iznos utvrđen iznos od 43.351,20, a treba da stoji iznos od 206.177,50 KM; zatim greška je napravljena i u rekapitulaciji gdje je pod A. - Ukupno građevinsko zanatski radovi, utvrđen iznos od 205.736,70 a treba da stoji iznos od 206.177,50 KM. Navedene računске greške uticale su i na grešku u ukupnoj cijeni svih radova (A+B+C+D) bez PDV-a; obračunatom PDV, kao i ukupnoj cijeni svih radova sa popustom i PDV-om, Naime, prema ponudi ponudača, ukupna cijena svih radova bez obračunatog PDV-a iznosi ukupno 220.446,70 KM, PDV-a iznosi 37.475,94 KM, a ukupna cijena svih radova sa popustom i PDV-om iznosi 257.922,64 KM, a nakon ispravke računске greške ukupna cijena svih radova bez PDV-a treba da iznosi 220.887,50 KM, PDV-e iznosi 37.550,87 KM, a ukupna cijena svih radova sa popustom i PDV-om treba da iznosi 258.438,37 KM.
- Komisija je dana 18.10.2024. godine, u skladu sa članom 17. stav (5) Uputstva za pripremu modela tenderske dokumentacije i ponuda, ponudaču „ALIVUK&CO“ d.o.o. Bihac uputila zahtjev za prihvatanje ispravke računске greške u kome je označila koji dio ponude je ispravljen kao i novu cijenu ponude koja je proizašla nakon ispravke i od ponudača tražila saglasnost za prihvatanje ispravke računске greške. u konkretnom slučaju između ostalog ispravke na način da ukupna cijena svih radova (A+B+C+D) bez obračunatog PDV-e od 220.446,70 KM se ispravlja i treba da glasi: 220.887,50 KM.
- Iako je ponudač „ALIVUK&CO“ d.o.o. Bihac u svojoj pismenoj izjavi datoj putem e-maila 21.10.2024. godine izjavio da ukoliko postoji računska greška istu prihvaćaju a i dalje ostaju pri svojoj konačnoj cijeni u iznosu od 220.446,70 KM, ista se nije mogla prihvatiti kao saglasnost za prihvatanje ispravke računске greške u dijelu koji se odnosi na ukupnu cijenu ponude svih radova, a način kako je to zahtjevom traženo. Jedinичne cijene stavke se ne smatraju računskom greškom, odnosno iste se ne mogu mijenjati. Ukoliko bi ugovorni organ prihvatio ponudenu ukupnu cijenu radova od 220.446,70 KM, to bi značilo da je došlo do izmjene jediničnih cijena stavke, što je u suprotnosti sa članom 17. stav (5) Uputstva za pripremu modela tenderske dokumentacije u ponuda.

Kako ponudač „ALIVUK&CO“ d.o.o. Bihac u predviđenom roku nije dao pismenu saglasnost za ispravku računске greške na način kako je to zahtjevom traženo, već je ostao kod svoje ponudene ukupne cijene radova bez PDV-a u ukupnom iznosu od 220.446,70 KM, to je u skladu sa odredbom člana 68. stav (4) tačka g) Zakona o javnim nabavkama, ponuda ponudača „ALIVUK&CO“ d.o.o. Bihac odbačena.

Obzirom da je zaprimljena samo jedna prihvatljiva ponuda e-aukcija, u skladu sa odredbom člana 3. stav (3) Pravilnika o uslovima i načinu korištenja e-aukcije, e-aukcija nije zakazana.

Kako je Komisija, u skladu Zakonom o javnim nabavkama i kriterijima iz tenderske dokumentacije, pravilno i potpuno izvršila ocjenu kvalifikovanosti ponudača, te ocjenu

prispjelih ponuda, za potpisivanje ugovora za izvođenje radova „Rekonstrukcija krova sa promjenom namjene krovnog pokrivača na zgradi Kantonalnog suda u Bihaću“ prihvaćena je ponuda ponuđača „Dola“ d.o.o. Cazin, sa konačnom cijenom 219.526,10 KM bez obračunatog PDV-a, odnosno 256.845,54, kao najpovoljnija primjenom kriterija najniže cijene.

Obzirom na naprijed navedeno, u skladu sa članom 64. stav (1) tačka b) Zakona o javnim nabavkama, odlučeno je kao u dispozitivu ove Odluke.

**Pouka o pravnom lijeku:** Protiv ove odluke može se izjaviti žalba Uredu za razmatranje žalbi u roku od 10 dana prijema odluke. Žalba se podnosi putem Kantonalnog suda u Bihaću.

Dostaviti:

1. „DOLA“ d.o.o. Cazin  
Skokovi bb
2. „ALIVUK&CO“ d.o.o Bihać  
Pritoka bb
3. a/a



Predsjednica suda:  
Izeta Nadarević